

**POSLOVNIK O RADU KOLEGIJA
UNIVERZITETA U SARAJEVU - PEDAGOŠKOG
FAKULTETA**

Sarajevo, septembar 2024.godine

U skladu sa članom 71. Zakona o visokom obrazovanju Kantona Sarajevo („Službene novine Kantona Sarajevo broj; 36/22) i člana 115. Statuta Univerziteta u Sarajevu, na prijedlog dekana Univerziteta u Sarajevu-Pedagoškog fakulteta, a uz prethodno pribavljeno pozitivno mišljenje Odbora za normativna pitanja Univerziteta u Sarajevu - Pedagoškog fakulteta, Kolegij Univerziteta u Sarajevu - Pedagoškog fakulteta je na 1. sjednici održanoj 2.9.2024. godine, donio

POSLOVNIK O RADU KOLEGIJA UNIVERZITETA U SARAJEVU - PEDAGOŠKOG FAKULTETA

DIO PRVI – OSNOVNE ODREDBE

Član 1. (Predmet)

Poslovníkom o radu Kolegija Univerziteta u Sarajevu - Pedagoškog fakulteta (u daljem tekstu: Poslovnik) određuje se način rada kolegija prilikom razmatranja strateških, načelnih i drugih pitanja iz nadležnosti dekana Univerziteta u Sarajevu - Pedagoškog fakulteta, davanja mišljenja i prijedloga tijelima Fakulteta.

Član 2. (Načela)

Kolegij Univerziteta u Sarajevu - Pedagoškog fakulteta (u daljem tekstu: Kolegij) organizira se i radi u skladu sa Zakonom o visokom obrazovanju Kantona Sarajevo („Službene novine Kantona Sarajevo broj; 36/22) i Statutom Univerziteta u Sarajevu.

Član 3. (Gramatička terminologija)

Gramatička terminologija korištenja muškog i ženskog roda za pojmove u ovom Poslovniku uključuje oba roda.

DIO DRUGI – DJELOKRUG RADA

Član 4. (Djelokrug rada Kolegija)

- 1) Na sjednici Kolegija delegiraju se i raspravljaju pitanja od značaja za rad Fakulteta kao što su:
 - a. nacrti i prijedlozi akata iz nadležnosti dekana koji su određeni Zakonom o visokom obrazovanju Kantona Sarajevo, Statutom Univerziteta u Sarajevu, Okvirnim zakonom o visokom obrazovanju BiH, kao i drugim aktima,
 - b. program rada Fakulteta i Izvještaj o radu Fakulteta
 - c. finansijski plan Fakulteta
 - d. razmatranje politika i strategija razvoja jačanja Fakulteta
 - e. utvrđivanje smjernica za vođenje kadrovske politike i godišnjeg plana zapošljavanja, te praćenje njegove realizacije
 - f. opći akti Fakulteta,
 - g. odluke i pojedinačni akti iz nadležnosti dekana u skladu sa Zakonom o visokom obrazovanju Kantona Sarajevo,
 - h. razmatranje prijedloga međunarodnih projekata i učešća Fakulteta u konzorcijima

- međunarodnih projekata, pitanje koordinacije i provedbe međunarodnih projekata u koje je Fakultet uključen,
- i. organizacija različitih događaja , kao npr. (konferencije , skupovi, konsultacije, radionice i sl.)
 - j. ocjena učinka zaposlenika Fakulteta,
 - k. godišnji plan nabavki roba, usluga i radova,
 - l. upućivanje zaposlenika Fakulteta na službeno putovanje u zemlji i inostranstvu
 - m. usaglašavanje zajedničkog stava i mišljenja po određenim pitanjima koja su predmet rasprave na sjednicama tijela Fakulteta, te u pogledu saradnje prema drugim visokoškolskim ustanovama i nadležnim ministarstvima obrazovanja,
 - n. druga pitanja za koja se ocjeni da su od bitnog značaja i interesa za Fakultet.

Član 6. (Sastav Kolegija)

- (1) Kolegij čine dekan, prodekani i sekretar Fakulteta.
- (2) Dekanu u radu pomažu prodekani i sekretar Fakulteta.
- (3) Pravo je i dužnost prodekana i sekretara da učestvuju u radu Kolegija.
- (4) Po potrebi, prilikom razmatranja strateškog dokumenta, izvještaja, analiza , informacija i slično, a na zahtjev dekana mogu prisustvovati i druga lica po pozivu.

DIO TREĆI-RAD KOLEGIJA

Član 7. (Sazivanje sjednica)

- (1) Kolegij saziva dekan ili u odsustvu ovlašteni prodekan.
- (2) Sjednice Kolegija se održavaju najmanje jednom mjesečno.

Član 8. (Sjednice Kolegija)

- (1) Dekan rukovodi sjednicom Kolegija i predlaže dnevni red.
- (2) Dekana u slučaju odsutnosti zamjenjuje prodekan kojeg odredi dekan.
- (3) Poziv sa dnevnim redom i materijalima za sjednicu kolegija se upućuje članovima Kolegija najmanje tri dana prije održavanja sjednice, izuzetno se pozivi mogu dostaviti i u kraćem roku
- (4) Za tehničku pripremu i dostavu materijala za sjednicu Kolegija odgovorna je Služba za pravne poslove.
- (5) Poziv i materijali za sjednicu se u pravilu dostavljaju u e-formatu (elektronski) putem maila.
- (6) Članovi Kolegija mogu kandidirati pojedina pitanja za uvrštavanje u dnevni red sjednice Kolegija tako što pisanim putem upućuju zahtjev dekanu za uvrštavanje određene tačke dnevnog reda sa obrazloženjem.
- (7) Kolegij utvrđuje dnevni red na početku sjednice.
- (8) U izuzetnim slučajevima Kolegij može i na samoj sjednici uvrstiti novu tačku dnevnog reda, tako što se prije raspravljanja dekanu izloži pitanje o kojem se raspravlja.

Član 9.
(Odluke Kolegija)

- (1) Kolegij donosi odluke većinom glasova od ukupnog broja članova Kolegija.
- (2) Članovi Kolegija prate realizaciju odluka i o realizaciji odluka koje su donesene na Kolegiju izvještaju dekana.

Član 10.
(Zapisnik Kolegija)

- (1) O radu sjednice Kolegija vodi se zapisnik.
- (2) Zapisnik obavezno sadrži datum i mjesto održavanja sjednice, djelovodni broj protokola, osnovne podatke o prisutnim članovima i toku sjednice, tačkama dnevnog reda, te usvojenim zaključcima, odlukama, instrukcijama, preporukama.
- (3) U zapisnik se unose mišljenja članova Kolegija i izdvojena mišljenja suprotna većinskom.
- (4) Zapisnik vodi zapisničar kojeg određuje dekan.
- (5) Usvojeni zapisnik potpisuju dekan i zapisničar i isti se odlaže u arhivu, a elektronska verzija se dostavlja članovima Kolegija.
- (6) Elektronska verzija izvoda iz zapisnika se dostavlja i rukovodiocima službi koji su dobili zaduženja za realizaciju odluka Kolegija.
- (7) Sekretar Fakulteta koordinira rad službi u cilju realizacije zaduženja rukovodioca službi iz stava (6) ovog člana.
- (8) Sekretar Fakulteta se obavezije da na narednoj sjednici Kolegija izvjesti dekana o realizovanim odnosno nerealizovanim odlukama Kolegija.

PRELAZNE I ZAVRŠNE ODREDBE

Član 11.
(Izmjene i dopune Poslovnika)

- (1) Ovaj Poslovnik donosi Kolegij dekana Univerziteta u Sarajevu-Pedagoškog fakulteta.
- (2) Izmjene i dopune donose se na isti način kao i Poslovnik.

Član 18.
(Stupanje na snagu)

Ovaj Poslovnik stupa na snagu danom donošenja, a ovjerava ga svojim potpisom dekan Fakulteta.


DEKAN FAKULTETA
Prof. dr. Daniel Maleč

Broj: 23-01-1524/24

U Sarajevu, 2. 9. 2024.godine